

## **2,000 saksi Konsert Alhan Rabbaniyah**

Seramai 2,000 orang membanjiri Dewan Tuanku Canselor, Universiti Sains Islam Malaysia (USIM), di sini, kelmarin bagi menyaksikan Konsert Alhan Rabbaniyah.

Pengarah program, Ismail Ahmed berkata, antara artis membuat persembahan adalah penyanyi nasyid dari Indonesia, Opick, Sharifah Khasif dan Datuk Ramli Sarip.

Katanya, konsert itu

dianjurkan Pusat Kebudayaan USIM dengan kerjasama Istana Budaya, Dewan Bahasa dan Pustaka (DBP) dan Institusi Terjemahan Malaysia (ITBM).

"Kami tidak menyangka program pertama kali menerima sambutan menggalakkan daripada pelajar serta masyarakat sekitar.

"Program bertujuan menyebarkan dakwah Islamiah dalam bentuk hiburan," katanya.

Menurutnya, persembahan itu menambat hati penonton dan pendengar menerusi nyanyian kerohanian, syair dan puisi Islam.

"Kami (USIM) menjual tiket dengan harga RM10 sejak dua minggu lalu dan menerima pembelian menggalakkan.

"Program seumpama ini akan dijadikan aktiviti dwitahunan bagi menyemarakkan seni dalam Islam," katanya.